



Paneli këshillëdhënës për të drejtat e njeriut

Building D, UNMIK HQ, Prishtinë/Kosovë | E-mail: hrap-unmik@un.org | Tel: +381 (0)38 504-604, ext. 5182

VENDIM

Data e miratimit: 21 qershor 2012

Lëndët nr. 72/09, 73/09, 74/09, 75/09 dhe 76/09

Lela NIKOLIQ

kundër

UNMIK-ut

Paneli këshillëdhënës për të drejta të njeriut, në seancën e mbajtur më 21 qershor 2012, në praninë e anëtarëve vijues:

z. Marek NOWICKI, kryesues
z. Paul LEMMENS
znj. Christine CHINKIN

Të ndihmuar nga:

z. Andrey ANTONOV, zyrtar ekzekutiv

Pas konsiderimit të ankesës së lartpërmendur, të parashtruar në pajtim me nenin 1.2 të Rregullores së UNMIK-ut nr. 2006/12 për themelimin e Panelit këshillëdhënës për të drejta të njeriut, të datës 23 mars 2006,

Pas shqyrtimit, duke përfshirë edhe përmes mjeteve elektronike, në pajtim me rregullën 13 § 2 të Rregullores së saj të punës, vendosë si në vijim:

I. PROCEDURA PARA PANELIT

1. Ankesat janë parashtruar më 15 prill 2009 dhe janë regjistruar më 30 prill 2009.
2. Më 24 korrik 2009, ankesat i janë komunikuar përfaqësuesit Special të Sekretarit të përgjithshëm (PSSP) për komentet e UNMIK-ut për pranueshmëri dhe bazueshmëri. Në përgjigje përmes letrës së datës 5 gusht 2009, PSSP-ja ka njoftuar Panelin që UNMIK-u nuk mund të jep komente për shkak të mungesës së fakteve të paraqitura nga ankuesi.
3. Më 24 tetor 2009, Paneli vendosi t'i bashkojë të gjitha lëndët e cekura në pajtim me rregullën 20 të Rregullores së punës të Panelit.

4. Më 21 prill 2010, Paneli kërkoi informata shtesë nga ankuesja. Ankuesja nuk është përgjigjur ndaj këtyre kërkesave.
5. Më 4 maj ankesat i janë rikomunikuar PSSP-së, në mënyrë që të merren komentet e UNMIK-ut për pranueshmëri. PSSP-ja dha përgjigjen e UNMIK-ut më 13 qershor 2012.

II. FAKTET

6. Ankuesja është ish-banore e Kosovës që tani jeton në Serbi.
7. Ankuesja informon Panelin se më 12 qershor 1999 pesë anëtarë të ngushtë të familjes së saj, z Nedelko Shutaković (babai i saj, lënda nr. 75/09), znj. Darinka Shutaković (njerka e saj, lënda nr. 72/09), dhe tre djemtë e tyre: Aleksandar Shutaković (lënda nr. 76/09), Gjorgje Shutaković (lënda nr. 74/09) dhe Radovan Shutaković (lënda nr. 73/09), janë kidnapuar nga shtëpia e tyre në Gjakovë nga pjesëtarët e Ushtrisë Çlirimtare të Kosovës. Që nga ajo kohë vendndodhja e tyre mbetet e panjohur.
8. Ankuesja thotë se zhdukja i është raportuar KFOR-it, UNMIK-ut, Kryqit të Kuq Jugosllav dhe Ministrisë së Punëve të Brendshme të Serbisë, si dhe organizatave të tjera.
9. Kërkesa për gjurmim e KNKK-së për të gjithë personat e lartpërmendur mbetet e hapur. Gjithashtu, emrat e tyre janë në bazën e të dhënave, të përpiluar nga Zyra e UNMIK-ut për persona të zhdukur dhe mjekësi ligjore. Ankuesja po ashtu deklaroi se çështja i është raportuar Prokurorit ndërkombëtar publik në Prishtinë, por nuk paraqet hollësi specifike.
10. Më 9 dhjetor 2008, përgjegjësia e UNMIK-ut lidhur me policinë dhe drejtësinë në Kosovë përfundoi, dhe Misioni Evropian për Sundimin e Ligjit në Kosovë (EULEX) mori kontrollin e plotë operacional në fushën e sundimit të ligjit, pas deklaratës së kryetarit të Këshillit të Sigurimit të Kombeve të Bashkuara më 26 nëntor 2008 (S/PRST/2008/44), ku mirëpritej angazhimi i vazhdueshëm i Bashkimit Evropian në Kosovë. Mes datës 9 dhjetor 2008 dhe 30 mars 2009, të gjitha lëndët penale që mbaheshin nga Departamenti i drejtësisë i UNMIK-ut dhe nga Policia e UNMIK-ut, iu dorëzuan homologëve të EULEX-it.

III. ANKESAT

11. Ankuesja ankohet për dështimin e pretenduar të UNMIK-ut që të bëjë hetimin e duhur të kidnapimit dhe vrasjes së mundshme të anëtarëve të familjes së saj. Ankuesja n thelb ankohet për frikën, dhimbjen dhe vuajtjen shpirtërore, të cilat i ka përjetuar për shkak të kësaj situate.
12. Paneli konsideron se ankuesit mund të thuhet se thirren në shkeljen e së drejtës për jetë të afërmve të saj, e cila garantohet me nenin 2 të Konventës Evropiane për të Drejta të Njeriut (më tutje në tekst KEDNj), dhe shkeljen e së drejtës së saj për të mos u trajtuar në mënyrë çnjerëzore apo poshtëruese, e cila garantohet përmes nenit 3 të KEDNj-së.

IV. LIGJI

13. Para shqyrtimit të lëndës për bazueshmërinë e saj, Paneli fillimisht duhet të vendosë nëse duhet të pranohet lënda apo jo, duke marrë parasysh kriteret e pranueshmërisë, të parapara në nenin 1, 2 dhe 3 të Rregullores së UNMIK-ut nr. 2006/12.
14. Ankuesja pretendon se nuk ka pasur hetim të duhur penal për kidnapimin e të afërmeve të saj dhe për dhimbjen e vuajtjen shpirtërore që i është shkaktuar si rezultat i kidnapimeve.
15. Në komentet e tij, PSSP-ja nuk ngritë ndonjë vërejtje për pranueshmërinë e ankesave.
16. Paneli konsideron se ankesa në bazë të nenit 2 të KEDNj-së ngritë çështje serioze të fakteve dhe të ligjit, përcaktimi i të cilave duhet të varet në shqyrtimin e bazueshmërisë. Rrjedhimisht, Paneli vjen në përfundim se kjo pjesë e ankesës në shikim të parë nuk është e pabazuar në bazë të nenit 3.3 të Rregullores së UNMIK-ut nr. 2006/12.
17. Nuk është përcaktuar ndonjë bazë tjetër për shpalljen e kësaj ankese si të papranueshme.

PËR KËTO ARSYE,

Paneli njëzëri,

- SHPALL ANKESËN TË PRANUESHME

Andrey ANTONOV
Zyrtar ekzekutiv

Marek NOWICKI
Kryesues